

太康縣志

冊八

卷八

藝文志

傳

賦

詩

雜志

祥異

兵變

幽異

外傳

太康縣志卷之八

藝文中

傳

妙德先生傳

宋 袁 燾

妙德先生陳國人也氣志淵虛姿神清映性孝履順棲冲業簡有舜之遺風先生幼夙多疾性疎懶無所營尚然九流百氏之言雕龍談天之藝皆汎識其大歸而不以成名家貧嘗仕非其好也混其聲迹晦其心用故深交或迂俗察罔識所處席門常掩三逕裁通雖揚子寂寞嚴叟沈冥不是過也修道遂志終無得而稱焉

太康縣志

卷之八

藝文中

一

王義士傳

明 顏庭榘 閩人

王義士者諱彥才世居開封之太康爲望族其貲甲一邑獨尚義好施在元時嘗判彰德路位不滿德棄而家居至正間太康大饑民多菜色奄息待斃公感然曰所貴厚積者爲能散也今民饑如是獨守是物奚爲哉於是遣其家人齎金往淮西乞糴米千餘石舟運以濟一時賴全活者甚衆成化間西華令陳嘉謨嘗繪而刻之以風其邑人今觀其家所刻圖蓋宛然當日事也漢武時河南傷水旱沒長孺矯制發倉廩幾乎仁者之事其便宜行事帝不罪且賢之長孺弟官至九卿子爲諸侯相而公子鈍官至大司徒鉉

爲遷安簿鎬爲山西憲僉孫淪官少司徒演藻同舉一爲萊水博  
士一令宛平曾孫節令整厓元孫煦同知轉運杰爲縉雲簿至五  
世孫是爲觀察公坵初試邑滋陽入拜給事中歷今官塿埠墜埠  
圻垓咸沾一命而六世孫朝賢守順德轉參名藩七世孫汝訓領  
鄉薦公曾以少司徒之貴追贈如其官其子孫榮昌尤盛於長孺豈  
公當時不在位其事爲難其陰功爲多故食報因以厚且久天之  
福善固有劑量哉

節孝張氏傳

國朝  
蘇楫汝 邑令

張氏太康巨族子爲邑庠生王榮勳之妻中州知名士王子應運

太康縣志

卷之八

藝文中

二

之母也年十三歸勳勳早失怙氏事孀姑竭志承歡事無巨小悉  
協姑心姑性嚴顧見氏輒喜嘗曰得婦如此差娛吾意明末寇攻  
太康城將潰榮勳自城下歸謂氏曰吾列鬢序義不受賊辱顧白  
髮老人與呱呱穉孤柰何氏曰大丈夫臨難當自決若姑與孤皆  
吾事也遂相與泣別未幾城陷榮勳死氏以諸孤付婢僕不復顧  
獨奉姑避密屋中遇賊入將刃姑氏以身翼焉賊怒揮刀傷之不  
死賊曰若爾姑耶抑爾母耶氏曰吾姑也寧殺我毋傷我姑賊釋  
刀嘆曰此孝婦也委之去氏遂力創掖姑復走匿天寧寺水坑中  
姑曰吾守志存孤五十年死何憾爾爲我撫弱孫幸無絕王氏後

語畢將躍入水中氏號泣持之不得姑給曰吾餒甚氏乃往採萍實以進姑姑已死矣氏吞聲悲咽血盡骨立而刃傷復潰裂無生理伏姑屍側二晝夜及賊遁乃匍匐至家適婢僕擁呱呱來無恙也氏遂率至水坑舁姑屍歸而土寇又至氏倉皇既出復愀然思曰姑柩萬一遭火坑悔何及時盈城烈焰斷楠燬棖簌簌下氏蹈火入座姑淺土中然後去踰月土寇稍散氏遂奉姑柩合窆於祖塋語諸親曰吾不惜一死以衛姑而姑不可活天也今姑骸且歸土幸矣邑無寧宇吾未亡人撫遺孤勢難旦夕處因攜子渡大河歷陽武抵長垣僦舍以居嗟乎煢煢一嫠婦負呱呱子走異國鮮

太康縣志

卷之八

藝文中

三

不爲溝中瘠也氏率女奴躬紡織給子就師傅每歸課讀凜若嚴父少有遺忘卽呼天慟苦以朴之至海宇既定攜子旋里擇名師令潛志舉子業子應運年未弱冠卽聲噪鬢序氏曰吾撫遺孤至今日志稍釋矣雖蕭然環堵而一水一蔬處之晏如也邑志列氏節孝今邑紳士復公請旌表爰採輿論作張氏節孝傳

郭烈婦張氏傳

陸文衡

松陵

烈婦張少君者諸生郭嵩如元配也幼許聘嵩如越四載而嵩如病疽毒不能步履其父恐爲姻累欲毀盟少君聞之毅然曰女子止一天無二姓且郭家郎猶在柰何欲背盟乎其父異之不復強

及長而于歸嵩如固一瘠形人也少君奉事巾櫛十餘年婦道克修絕無幾微怨望意見顏面及嵩如疾篤少君告姑曰郎君命在須臾矣死當爲婦一體置棺也姑未之信至嵩如卒少君絕飲食且沐浴更衣從容謂姑曰姑勿悲也生兒長大不受其養而反爲之痛乎夫死從死婦人之義也從此不復能事姑矣舉家勸之怒曰人生不免一死吾得死所矣尙何言含淚掩樓窻自經死聞者莫不感泣有司聞於上勅建坊以表其烈焉

節孝郭孺人傳

冉覲祖

郭孺人郡庠生李鴻普妻也孺人父明興以孝廉任臨洮司李明

太康縣志

卷之八

藝文中

四

季寇變卒於官孺人甫週歲而孤母李撫且教之動準禮法十三歸鴻普卽循循盡婦職鴻普父清星繼母丁交口稱其賢閱十年鴻普死孺人痛不欲生而翁姑方切喪子悲子以建僅數齡號泣母側不整釋孺人顧而傷之乃翻然易慮曰吾豈可重貽二親感且令茲藐孤靡所依夫將不瞑矣於是屏鉛華勤紡織課子讀書知名譽序冰檠數十年始終不渝成其子以慰其夫可不謂完節歟鴻普故嫡所出母王氏當明季寇躡康邑城破撫鴻普曰吾不可以潔身污賊手傷哉小子不復卹汝矣遂投環卒鴻普曳而哭賊至憫之驅婢僕負鴻普去後免事定家人求其遺骸不可得鴻

普以是抱終天恨嘗夫婦私議雕檀爲像未果而鴻普歿孺人日念曰夫言在耳而姑像缺然吾無以慰夫於九泉矣乃悉其末語以建以建四出求佳檀不獲謀諸匠謂和香屑爲之不劣於檀孺人諾之復自念像必藉生人氣乃可通靈徒以土木奚益乃焚香虔禱刺左腕和香屑血流滿盂又自剪髮飾像首以建聞之倉皇驚泣拜母前孺人諭之曰吾姑以節捐軀吾何愛此髮血不以奉姑乎吾固無恙汝又何悲像成孺人飾以冠簪衣履舊曾見姑者皆詫爲逼肖孺人內自喜謂吾姑今復生矣藏以潔室障以素幙終其身省視惟殷飲膳必供可不謂至孝歟自孺人以節孝太康縣志

卷之八

藝文中

五

著於是姑之節益彰而夫孝亦克全云

師烈士傳

馬成名 署邑令

師貞字正之明御史師存智裔孫也賦性端潔制行清異爲諸生讀書知大義言動不苟康城西郭五里卽其廬流寇至執問城中虛實貞曰吾家世篤忠貞詎效逆賊所爲誓不絕口裂尸而死其弓冶名行箕裘節義誠有卓然不磨者凜凜浩氣輕捐生而志意不回皚皚孤誠當鼎鑊而神色彌定光日照月傲雪凌霜有士如此不辱世德可槩生平矣入祠從祀以慰其烈魂云

順治己亥志

席義士傳

耿颺

康人相傳有義士者曰席氏諱拱樞字古邱康遜母里人也少任俠不事儒書明邑令丹徒朱公廉其才厚待之一日奉命齎餉走河朔經杏園有悞格殺人者當論抵固子遺子也其父母貧且老而被格死者亦子遺子其父母之貧老且逾甚格人者之父母泣請之曰吾與若各一嗣今若子不幸爲吾子所格若嗣絕吾子亦不能獨生吾不敢因緣以枉國法也雖然吾猶有說吾與若之墓木拱矣苟質官然後刑勢必三覆五訊累歲月吾與若牽連不知死所矣吾今與若約請自爲格殺之以抵若子命若子死不枉吾二老骨免於溝壑若其何如被格者之父母曰吾甚痛吾子之死

太康縣志

卷之八

藝文中

六

而吾弗嗣也吾子死吾不能獨生吾填溝壑矣若子死吾子若子亦不能獨生若亦將填溝壑吾聞死者不可以復生與其死二子而斬二祀毋寧死一而斬一也雖然吾亦猶有說吾與若之墓拱矣而又貧吾子死吾必死吾無子吾死將無殮若能以十金先吾具焉吾脫若子不然則聽子之自爲計也聞者皆憐而義之獨格人者之父母有難色衆讓之曰若愛金不若愛子耶亦旣脫子於難矣乃不德之是喜而以憂吾不知之矣老者曰是非爾也昔吾子以吾疾篤貸諸親願一金不可得今吾子罹於法吾貧且老又計無復出顧安得十金者爲之脫命哉吾聞殺人者 厥

有常典計惟格殺之便衆睽繞之莫有出一金者俄而義士來見一老人拽一少年格以壯挺且格且哭傍一老嫗蒙面而號義士詢以故卽排衆疾呼曰若勿格吾爲若貸子命衆廉之不知其爲誰也義士毀朱封之鏹如其數以授老人老人叩請之不爲告疾馳去矣於是二老之訟平義士潛至家亦不告以故亟變易牛產以償官算旣得金將復往而在官之朱封不可復得矣義士惶恐詣邑令自實其罪願飲杖朱公義之脫其役俾寧於家越數月義士之子待聘以文學領鄉薦時人謂之十金食報云傳者曰嗟乎人一生所費豈止十金哉乃不以之赴急難而以之市温飽無怪

太康縣志

卷之八

藝文中

七

乎其終身泯沒以死也以余觀席君當日所行事豈嘗有裕後者存其意中哉卒之澤及後人名傳天壤事何榮也彼二老者一割愛以奉法一忍恩以全義亦錚錚不多覲者惜其不以姓氏著也獨計彼時睽繞之衆其中豈無有一二仁人義士者乃相視而歎莫出一金以視席公之毀朱投鏹策蹇長驅度越居何等耶吁夫亦可以觀人矣

潛德郭先生傳

李

紱

都御史

陽夏郭先生諱金鼎字梅舟滇南提學公長子也性恬退雅好讀書不愛閒名弱冠入庠爲增廣生聲譽斐然了不自異高曾以來

家素封兼以提學公貴矜高之氣人未有能免者先生處之坦然衣冠朴素言語謙遜接之不知其爲貴公子者提學公有弟六人次三與先生年相若他皆年少提學公誼敦華萼先生體父志愛敬交至先生之弟二人仲曰光謨爲邑庠生早逝遺子祚遠先生愛之若子然家法綦嚴有過必不恕故能成立季曰光翼才氣雋秀喜博覽善法書爲文清麗人咸器之顧以病羸童年入泮未獲棘圍一試惜哉先生克盡友于居同室食同器出入相攜綽有姜肱之風鄉黨間有兄弟不睦者衆舉先生以勸未嘗不感且愧其守身敦倫蓋如此江南方彥博者翰林學士號龍岡諱孝標子也

太康縣志

卷之八

藝文中

八

避事來康家十餘口依先生衣食者八年凡有所需悉應之無難色方後通顯欲爲先生入貲以報數致書卒不應繼復移治汴省值秋試主司方契知也爲先生通聲氣復拒不受人皆爲先生惜先生不自惜焉晚年閉戶不出耽情詩酒歲有咏歌然不自珍多致散遺僅存西軒一草爲甥蘇松分巡王公諱澄惠者攜去王公余師也將梓行囑序於余先生復致書諭止故亦不克傳余懼先生之潛德卒不彰且無以誌余向注意也因爲累述其行事以備當事者之採擇焉

楚澤王先生孝友傳

宋士莊

邑侯

王子楚澤諱基芷康之世族也弱冠入邑庠文譽噪一時余蒞任  
卽悉其名蓋孝友人也年十八父卽世楚澤哀毀過甚晝夜不息  
經營葬事比事竣髮數莖白不自知事母盡色養戲彩以娛有萊  
子風與弟基蕙同居共爨築堂曰怡怡昕夕相對徜徉於詩酒間  
姪鏞病故無嗣君慨以長子子爲鏞後內外無間言郡侯金公問  
俗康城聞其風咨嗟歎賞不已以雙荆並茂旌其廬鄉人榮之生  
平奉祭必親自少至老無倦一日值祖塋祭期族衆畢集君後至  
時方零雨或議行禮主祭者不可曰幾曾見我楚澤有當祭不與  
者乎盍少待已而一騎衝風而至者果楚澤也族衆無不欣服人  
傳其有馬借乘雖斃無憾事雖微要亦友愛之風推及朋好者歟  
余旣嘉其行義而又服郡侯之賞鑒無溢美故不辭固陋次第其  
事以爲之傳

鐵工宋孝子傳

柳中星

孝子姓宋名之珩以治鐵爲業居太康之新安集孤峭寡言笑至  
性過人父連城早喪母劉氏年八十多疾病珩奉之凡百嗜好務  
求遂通醫藥兼好讀小學一歌咏不忘其親母患病珩肉袒跣足  
跪禱風雪中願以身代有頃母呻吟稍息珩謝起視母則已安然  
就寢矣因攜臥具寢牀側聞人疾呼曰天守常人增壽日方合遽

醒翌日母病痊又一日眼暴腫疼不可忍中瞳高寸許藥不能療  
珩憂甚計無復出乃取井水一盞跪冰地顛天逾時水稍浮凍取  
以洗眼腫消疼頓止又當患惡瘡延醫視醫將刺之令出濃珩恐  
母痛取針自刺深二分不之覺乃以刺瘡瘡潰濃盡出敷藥十數  
日口不合珩思母之血氣衰矣非有以補之不可欲補母血其惟  
子血乎子血卽母血也然必濟之土皮者土所生乃取土一七置  
神臺上刺血和土敷患處不二日瘡平論者謂皆孝思所格云後  
母病故珩哀毀骨立笑語不形每念及輒呼天悲號聞者莫不哀  
之其友李連公與社長謝廷輝欲上其事於官珩聞之急止之曰  
休矣吾不忍以天倫爲市名具余聞其事而異之詢於人知不謬  
因誌其事以俟後之採風者

太康縣志

卷之八

藝文中

十

王烈女傳

郭益靖

鄭州舉人

烈女王氏太康瑯琊村人父山言母賀氏生五歲喪母遺一妹歲  
尚末週女爲保抱攜持有成人風事繼母傅氏孝傅治家嚴明偶  
以過誤責奴婢輒爲婉曲開解與母同其喜怒朝夕侍顏色多先  
志逆之傅亦撫字教導勤懇過於所生烈女性持重寡言容服不  
整不出於房終日凝然端坐以組紕自程女儕無敢嬉戲於前者  
年九歲時許聘同邑汪本桂之子榮光未嫁榮光患咯血病卒越

曰訃至適女隨其母省祖母於別院其叔持訃音驚告曰汪郎已歿女默然色變兀坐暫時遂託故攜其妹歸復遣僕往候其母與妹烹茶坐飲爲述生平歎陳女戒並勗所以事親之道曰吾與妹少孤資繼母以養年今長矣益當恪共子職毋以不敬而得罪且懼獲不孝名旣而曰我倦甚欲少憩入戶卽下鍵其妹問之曰吾恐其有擾我也及其母至呼之不至抉窻以入則溘然自縊死矣時乾隆四十七年壬寅正月初九日也年二十一事聞請旌建坊

烈女軒轅氏傳

戴鳳翔 邑令

太康縣志

卷之八

藝文中

十一

高賢集烈女軒轅氏字湘姐爲竇姓子德養媳年十九未婚道光七年五月偕其姑往楊姓家磨麥其姑與鄰婦坐正屋閒談烈女獨磨旁屋鄰子楊劉黨瞰女只一人私往旁屋調以褻言烈女立輟磨歸憤極流涕姑歸告以故其姑曰尙無他第忍之勿播揚也女勃然曰是可忍孰不可忍徑背姑投井死鄉里寢其事越四十餘日事發余下鄉開棺檢驗天甚熱了無穢氣衣服如新顏面如故蓋陰靈能捍之耳方其家之報縣也告鄭好禮爲証禮婦恐其夫受累肆口詛說忽自趨厨下坐作烈女聲曰汝好無禮欲沈吾寃不使雪耶該打遂自掌其嘴數十且掌且罵而目盡腫旁觀自

心駭者移時微論千載流芳其貞魂烈魄足以自衛當前之森然可畏可敬有如此讞既定隨案具詳請旌建坊

松園韓先生傳

李瑛

太邑韓爲著姓司空充炳於唐尙書梁公顯於元從龍其後裔也從龍字霞光號松園樂善好施里黨以長者稱由武庠捐衛千總歷年授生徒不受脯修門下多所成就乾隆五十一年施穀濟貧數月嘉慶十八年歲饑助賑捐穀五十石道光元年歲大疫施藥餌貧不能殮葬者給以棺木子二長允升由附貢捐授州判分發山東次俊升由監生捐布經歷以長子允升仕

太康縣志

卷之八

藝文中

十一

恩誥封爲徵仕郎壽八十餘歲而終方允升之赴山東也從龍囑允升曰居官以廉爲本吾家累世顯宦傳列邑乘崇祀鄉賢皆清廉之報也汝其識之忽忘允升抵山東卽署泰安通判及德州州判事嘉慶十八年授濮州州判時教匪滋事率鄉勇守城歷署定陶城武荷澤等縣事有惠政是能佩庭訓世其家者也陳州修府學俊升輸銀五十兩太康立義學修縣志輸錢三百千饒有父風焉余司鐸是邑俊升求爲家傳與余細談卽家傳慷慨推之以是知韓氏之必將有後也

炳業馬先生傳

耿萬英

馬宗武字炳業半畝園其別號也天性恬淡不干仕進年二十餘  
卽厭棄科名不習舉子業縱情林壑日以詩酒自娛距家數武闢  
一園顏曰生畝作斗室課子姪讀書每值雨霽雲斂月朗風清引  
壺自酌徘徊竹籬間香盈碧簫氣凌彭澤飄飄然不復知身在塵  
世中也課讀之餘三杯耳熱引紙疾書牛鬼蛇神奔赴腕下或畫  
蘭一幅雖寥寥數筆生趣宛然畫已復飲飲罷復畫故書畫滿几  
然不自愛重輒爲友人取去嘗有童子持扇索書畫且曰聞先生  
善小楷懇作小楷卽作小楷以付之其師見之曰當此炎暑八十  
老人倩作小楷不亦難乎因往謝之先生曰余固樂此不疲也且

太康縣志

卷之八

藝文中

十三

伊方學書朝夕披玩亦不爲無益焉又嘗豕噬鄰禾鄰人詈口不  
絕聲其子欲往校先生曰豕噬禾無知也子往校亦無知也遂出  
辭謝計禾償粟怡然無愠色鄰亦自慚而去迄今先生往矣而先  
生之子若孫務本力農忠厚謹慎猶有先生之遺風焉因作小傳  
以示不泯人善之意云

瑯琊岡王烈士傳

高崧

人秉天地之正氣以維持乎綱常節義威武不屈終始不渝皆其  
血性所徵凜凜千古足以下鬼神之泣而勒金石之銘者烏可以  
弗傳乎然其間有幸有不幸焉如王來選烈士也舊志缺如及問

府志存其名未詳其事余初不知其何許人詢之邑紳王立言乃知其六世祖也來選庠生瑯琊岡人值明季李闖之亂率長子庠生體乾入縣守城是城存與存城亡與亡效死弗去之義也迨城破被執父子罵賊抗志不屈賊怒殺之子婦張氏自縊諸孫多死於難慘孰甚焉幸天憫其嗣三子庠生用汲及孫庠生鸞從父避難冒險於烽燧戈鋌中而卒以獲全人謂孝德之報厥後繁衍盈昌簪纓累葉流徽五世則有九儀任湖南常德府同知綽有循績士民懷之以死於王事 晉贈知府銜卹典重頒奕世忠貞依然未艾六世孫立言任苛嵐州知州州人贈有德政序藏於家食報

太康縣志

卷之八

藝文中

十四

之永皆祖德所貽云

義士楊玉鐸傳

好義難好義而不求人知更難貢生楊玉鐸字溫公澹泊自處勇於好施遇有義舉輒爲首倡無德色亦無情容然其生平重者莫若學校嘗曰吾不能於省中書院爲培植士子地今絃歌書院屬在陳郡吾七邑子弟之所肄業也其急輸二千金以爲膏火貲太守欲以事聞鐸堅辭乃止殆好義不求人知而有隱德者歟其子榮先等克守先業亦以義行見重鄉里饒有父風嗟夫世固有銖必較見義不爲而其子若孫方且視爲泥沙驕佚曰甚卒至

藥先業而不能守聞玉鐸之風亦可以少媿矣

論說

涵養論

龍廷霖

客有誤認退縮爲涵養持其說絮絮不已者予曰真率何如客曰不若涵養也閱數日相見客仍伸其前說予曰噫嘻千古之真涵養千古之真聖賢也千古之假涵養千古之真小人也且千古之學聖賢以涵養薰陶其德性而千古之爲真小人必以涵養周旋夫世故是薰陶其德性以學聖賢者只有一途而周旋夫世故以爲真小人者必借涵養爲把鼻爲護符其終至於決裂萬端者也

太康縣志

卷之八

藝文中

十五

以聖門而論愚魯辟喙皆涵養之功未至也若夫端木之方人顓孫之千祿冉求之聚斂樊遲之近利所謂涵養者安在然而三千七十之中僅得一不遷不貳之顏子婉言却聘之閔子聖人不以爲少後世且覺其多凡以真涵養之難得也此所謂由涵養而學聖賢者只一途也顧古之涵養者專於成己今之涵養者半屬爲人大抵涵養主於謙和而有時則尙勇敢如武士之折衝忠臣之死義是也涵養主於容納而有時則尙發露如嚴父之鞭策其子良師之箴規其弟是也且涵養類於退讓而有時則宜進爭如藺生以頸血爭擊筑晏嬰以強項贊投壺是也涵養類於優柔而有

時則宜剛明如孔子之誅少正卯武侯之誅馬謖是也此皆涵養素定時發時收而不專主於退縮者也推而上之如堯舜之揖讓固見涵養卽湯武之征誅究何傷於涵養不然者後世若莽若不若爰若温之徒皆可以法堯舜而薄湯武而漢唐宋以來征伐之令辟其涵養反在莽丕爰温下也豈理也哉吾故曰世之借涵養以爲把鼻爲護符而其終至於決裂萬端者此也夫有謀利之實而以涵養辭其名有避福之心而以涵養泯其跡見善不遽喜其涵養者別有在也見惡不遽怒其涵養者別有在也且也遇事則騎墻以涵養爲可東可西之計臨難則首鼠以涵養爲且前且却

太康縣志

卷之八

藝文中

十六

之謀甚或相忍爲國中立自固禍積於蕭墻曰吾能涵養之患生於眉睫曰吾能涵養之其始也以涵養養望於一身其既也以涵養積亂於天下及乎事勢窮蹙而慨慷激烈之士卒以忠孝自致殺其身亦徒爲巧託涵養者之所竊笑也嗚乎漢之醜巨君唐之李林甫前五代之王衍後五代之憑道明之嚴分宜父子皆所謂以涵養爲把鼻爲護符而其終至於決裂萬端者也古之學聖賢以薰陶德性者其涵養顧若是哉蓋嘗思之真率近於陽涵養近於陰真率之弊或入於徑直或流爲矯激涵養之弊或卽於姑息或釀爲奸佞其於爲人賢不肖何如耶以彼易此孰得孰失必有

能辨之者

友梅說

龍廷霖

歲在丙戌余館於秣陵城南主人故巨族然情文外彊中乾與余意稍河漢館址乃主人別墅庭中有老梅一株旁羅雜卉余日夕徙倚其下主人方樹桃李蒔牡丹爲聲華之逐無暇與老梅爲緣而余一觴一詠未嘗不與老梅共是主人與梅實客而余與梅則主人也昔人云人生得一知己可以無憾余與老梅可謂知己矣已而思之方余之未與梅交也檻外之清風窻前之明月久與梅爲至契况謾謾者松猗猗者竹皆梅之伯仲也奚必俟余始稱知

太康縣志

卷之八

藝文中

十七

已哉特是余之始至也梅含笑以迎我余之將去也梅又含笑以送我梅不能言而我以詩歌與之言梅不能飲而我以氣味導之飲知從前之清風明月塢松徑竹其與梅交者僅其名而余與梅交者則其實也余非梅之知己而何嗟乎蓮以濂溪而名菊以陶令而名松栢以尼父而名梅自何水部行吟以來踏雪巡簷發詠者幾遍天下矣然西湖孤山因有和靖先生而後之言梅者轉祖述之豈非物以人重哉噫嘻何地無梅何地無主人而羅浮之縞素與童子之綠衣卒不肯與主人爲綠豈以主人之無酒哉

雜誌

登臺書雲簪毫紀異象垂於天稜見於地水旱兵戈相從以類星隕石言麟經必記志雜誌

祥異

周莊王十四年秋大水毀禾稼 靈王十七年春大饑

漢惠帝五年夏大旱冬十月木華棗實 高后三年大水漂沒

民舍 文帝三年秋大旱十一年二月河決十四年六月大

雨雪 景帝三年六月大雨雪 武帝元光四年四月隕霜

殺草木 元鼎二年三月大雪平地深五尺 昭帝元始元

太康縣志

卷之八

雜誌

一

年大雨自七月至十月二年隕霜不殺草 宣帝建始元年

夏霖壞官民居

東漢明帝永元元年七月河溢漂溺橫決非常 桓帝建光元

年秋七月地震壞民居 獻帝建安四年六月風寒如冬

三國魏明帝景初元年九月大雨異常

隋文帝開皇十八年河決

唐太宗貞觀十四年九月河溢 高宗神龍二年冬十月至三

年五月不雪雨大饑 元宗開元元年蝗食禾稼聲如風

十四年大水毀民廬舍或巢或舟以居 文宗大和二年七

月野蠶生桑鄉民收以繰絲織絹

宋太宗至道四年三月風雷殺桑 眞宗咸平五年有黑兔獻於朝 高宗紹興八年五月雨雹自汴至太康境大小皆龜形首足卦文解者曰冰兵也龜歸也釋兵而歸也是歲秦檜主和議釋兵歸

元世祖至元二十七年六月河溢太康縣沒民田三十一萬九千畝十一月河決祥符義唐灣太康通許陳潁二州大被其患 成宗大德元年太康扶溝等河水大溢漂沒田廬九年八月太康杞縣河溢 元貞元年正月汴梁太康等縣蝗

太康縣志

卷之八

雜志

二

明太祖洪武二十年河溢 孝宗宏治七年丐者手足牛蹄是年河決東城被衝 武宗正德元年有物半身猪半身人行於市 世宗嘉靖元年夏五月郭參政墳竹實如粦麥 神宗萬曆十一年尖塚張訓導墳產靈芝一本丁亥秋瑩後產靈芝一本十九年三月三日黑風自京師來晝晦如夜其日清明掃墓者多墮坑塹二十一年五月大雨滄麥夏秋霪雨滄禾米貴人民逃竄三十六年大水滄禾四十八年天鼓晝鳴慧星長竟天飛蝗蔽日 懷宗崇禎十一年元日迅雷恭雨水皆赤色十二年春大疫秋水滄禾十三年春大饑人相

食四月初十日城泣有聲自南門至西北城角止十四年黑風入城白晝頓晦十五年黃河溢

國朝順治二年遍野自生五穀民賴以生十五年六月陰雨百餘日積水汪洋秋田全沒 康熙元年秋大水遍地行舟九月九日巳時地震七年霪雨自五月初旬至七月終禾稼盡沒十年霪雨六十餘日大水滄禾十三年八月二十六日城門鎖響有聲自開墮地合邑紳士祭禳十四年地震官署民舍傾者甚多至戊方止十六年春三月大雨連陰七晝夜遍地麥盡黃丹不收二十年大雨水二十四年大雨傷禾穀價踊

太康縣志

卷之八

雜志

三

貴條糧蠲免十之二又奉

詔免本年拖欠在民錢糧并免來年田租之半三十三年飛蝗蔽天奉文捕逐知縣樸懷寶捐製旗械火炮募健丁數百協同鄉民平列數里俟舉號炮火齊發併力喊撲蝗驚飛乘勢追逐遠去又蝗落處蛹子復發縣示撲捉每斗給錢十文遠鄉就各集收埋近鄉赴縣交收於演武場掘數大坑埋座千數百石蝗蛹絕種竟獲有秋三十四年外來飛蝗遍野知縣樸懷寶如前驅捕秋禾無損又慶有年三十六年秋大風雹四十二年縣民曾起文妻王氏一產三男給米布四十三年大

有年禾生雙穗五穀價賤市無糴主四十六年秋重傷禾四十八年大水災民多流乞甚有賣兒鬻女者四十九年春大疫夏秋麥禾大稔五十八年雨雹六十一年大旱 雍正元年夏雨雹秋黃河水決入境四年夏大水秋稔穀生雙穗六年秋大風拔木九年大有年 乾隆元年三月大雪春苗再種二年大有年四年夏秋大雨水傷禾稼五年蝗七年夏四月雨雹秋水八年春疫九年蝗不爲害大有年十年四月大風霾秋水傷漕田禾稼十一年自六月至七月大雨平地水深數尺浸塌民廬渰沒禾稼蠲賑十二年秋禾被水蠲免分

太康縣志

卷之八

雜志

四

數不等二十二年夏霖雨大水秋禾盡渰蠲免分數不等知縣武昌國奉文賑給銀米又於煮賑時捐米展賑四十日又於二十三十四兩年代民墾種拋荒小地二百四十九頃六十三畝一分二十六年秋七月河決平地水深四五尺漂沒田廬奉文蠲賑知縣武昌國於黃水驟至堵築四門保護城池並多備船筏拯救災民五十年春三月大旱麥禾無收知縣陶應遇詳請賑卹並出借籽種由五六月起至五十一年二月底止蠲免錢糧分數不等

嘉慶元年奉

旨普免錢糧

三年秋七月黃水漫溢邑東地方被水成災蠲免錢糧分數不等

十八年春得微雨夏苦旱秋禾稿者什之八九知縣高崧親詣履勘淚下沾襟詳請先將本年及民欠歷年錢糧漕糧漕項並加價銀兩一體停征稟請自八月二十四日起在城內關外分設粥廠三處煮賑兩月每日親詣該處散放風雨不辭勞瘁務使實惠及民九月間蕎麥忽被霜萎晚秋無望人

太康縣志

卷之八

雜志

五

心惶恐目擊情形更覺慘然爰詳請撫卹谷石並加賑銀兩自十一月十五日開廠散放廠竣後復履四鄉查勘災黎依然嗷嗷待哺又稟請在城內東西兩關分設四廠煮賑救民自十二月起至十九年正月止煮賑兩月至十九年二月間奉

上諭無論極次貧民均展賑一月口糧自二月散放至三月初旬廠畢復念麥熟之期尚遠值此青黃不接之時民力難支設法接濟又詳請

藩憲借動常平倉谷兩次自捐廉費銀壹千肆百餘兩分設

六廠在城內東西兩關及被災較重之崔橋集等處煮賑嗣因經費不敷崧念無款墊辦復勸諭閭邑紳商捐谷數百石以資接濟窮黎普沾實惠麥後將捐谷紳商按捐數多寡造冊詳請給匾獎勵置買義地數畝掩埋遺骸不使暴露蠲免正賦分數不等

二十四年秋七月二十六日黃水漫溢邑東北一帶地方多被淹所知縣孫大蘇親赴查勘駕筏拯救散給饘餅以蘇民困且因連日風雨交作房屋多爲塌損復又酌給席片令其在高阜之處搭棚棲止八月初六日續被黃水上游水勢增

太康縣志

卷之八

雜志

六

長由北及邑西南被淹仍源源接濟俾免乏食九月水勢漸消被災者加賑撫卹給予塌房修費

二十五年蠲免錢糧分數不等

道光元年秋大疫知縣戴鳳翔施藥全活多人

六年三月二十二日大風晝晦自午時起至亥時止沙壓麥苗尙未成災

兵變

明世宗嘉靖二十三年柘城師尙詔反陷歸德柘城鹿邑太康無令開封府同知蕭公來署事賊已抵楊家廟蕭公暮至崔

橋集夢城隍催到任者三驚覺馳入正漏下三鼓天明賊至圍城時秋八月初旬也城內每有光如月賊攻三晝夜不能克遂引去 懷宗崇禎四年土寇張鼎謀叛旋捕殺之七年流賊自東北掠至遼視西北角方攻城會巡撫統兵追勦賊遁去十二年饑民變有袁老山一條龍張胖子等聚眾數十萬焚掠鄉邨集屢皆毀雞犬絕聲野無單行十五年三月十七日闖賊李自成圍城十九日城陷男婦被害十餘萬人屍填街巷城內外井水盡赤屠戮之慘世所罕見

外傳

太康縣志

卷之八

雜志

七

哀公問子羔曰子之食奚當對曰文公之下執事也

禮記  
雜記

子蒲卒哭者呼滅子臯曰若是野哉哭者改之季子臯葬其妻犯人之禾中祥以告曰請庚之子臯曰孟氏不以是罪予朋友不以是弃予以吾爲邑長於斯也買道而葬後難繼也成人有其兄死而不爲衰者聞子臯將爲成宰遂爲衰成人曰蠶則績而蟹有匡范則冠而蟬有綏兄則死而子臯爲之

衰

並同上

子羔之襲也繭衣裳與稅衣纁紉爲一素端一皮弁一爵弁

一元冕一曾子曰不襲婦服

禮記  
雜記

魯哀公十五年孔氏之豎渾良夫與太子蒯瞶入舍於孔氏之外圃昏二人蒙衣而乘遂入適伯姬氏孔伯姬杖戈而先太子與五人介輿猓從之迫孔慳於厠強盟之遂劫以登臺樂寧將飲酒炙未熟聞亂使告季子季子子路也召護駕乘車行爵食炙奉衛侯輒來奔季子將入遇子羔將出子羔備大夫高柴曰門已閉矣季子曰吾姑至焉子羔曰弗及不踐其難季子曰食焉不避其難子羔遂出子路入孔子聞衛亂曰柴也其來由也死矣左傳

陳子車死於衛其妻與其家大夫謀以殉葬定而后陳子亢

太康縣志

卷之八

雜志

八

至以告曰夫子疾莫養於下請以徇葬子亢曰以殉葬非禮也雖然則彼疾當養者孰若妻與宰得已則吾欲已不得已則吾欲以二子者之爲之也於是弗果用檀弓

漢元年九月漢王遣將軍薛歐王吸出武關因王陵兵從南陽以迎太公呂后於沛羽聞之發兵距之陽夏不得前五年冬十月漢王追項羽至陽夏南止軍與齊王信建成侯彭越期會而擊楚軍至固陵不會楚擊漢軍大破之漢王復入壁深塹而守之用張良計於是韓信彭越皆往大會垓下漢書

單道開敦煌人升平二年至京師後至南海入羅浮山獨處

茅茨蕭然物外年百餘歲卒於山舍勅弟子以尸置石穴中  
弟子乃移入石室陳郡袁宏爲南海太守與弟穎叔及沙門  
支法防至石室口見道開形骸如生香火瓦器猶存宏曰法  
師業行殊羣正當如蟬蛻耳乃爲之贊

晉書

采紹興十年七月命劉錡爲淮北宣撫判官副楊沂中破敵

於太康

宋史

幽異

謝宏微性寬博無喜愠末年嘗與友人棊友人西南棊有死  
勢復一客曰西南風急或有覆舟者友悟乃救之宏微大怒

太康縣志

卷之八

雜志

九

投局於地識者知其暮年之事果以此歲終時有一長鬼寄

居司馬文宣家言被遣殺宏微宏微疾每劇輒預告文宣及

宏微死與文宣分別而去

南史

袁粲謀攻齊高帝不克與子最並爲戴僧靜所害粲小兒數

歲乳母將投粲門生狄靈慶靈慶曰吾聞出郎君者有厚賞

今袁氏已滅汝匿之尙誰爲乎遂抱以首乳母號泣呼天曰

公昔於汝有恩故冒難歸汝奈何欲殺郎君以求小利若天

地鬼神有知我見汝滅門此兒死後靈慶常見兒騎大氈狗

戲如平常經年餘鬪場忽見一狗走入其家遇靈慶於庭噬

殺之少時妻子皆沒此狗卽袁郎君當馳也

南史

宋文帝袁皇后亡後常有小小靈應沈美人者太宗所幸也嘗以非罪見責應賜死從后昔所住徽音殿前度此殿有五間自后崩後常閉美人至殿前流涕大言曰今日無罪就死先后若有靈當知之殿諸窗戶應聲豁然開職掌遽白太祖太祖驚往視之美人乃得釋

南史

藝文下

賦

月賦

劉宋  
謝莊

陳王初喪應劉端憂多暇綠苔生閣芳塵凝樹悄焉疚懷不怡中  
夜乃清蘭路肅桂苑騰吹寒山弭蓋九坂臨濬壑而怨遙登崇岫  
而傷遠於時斜漢左界北陸南躔白露曖空素月流天沈吟齊章  
殷勤陳篇抽毫進牘以命仲宣仲宣跪而稱曰臣東鄙幽介長自  
邱樊昧道懵學孤奉明恩臣聞沈潛既義高明既經日以陽德月  
以陰靈擅扶光於東沼嗣若英於西冥引元兔於帝臺集素娥於

太康縣志

卷之八

藝文下

一

后庭朐眇警闕眇魄示冲順辰通燭從星澤風增華台室揚彩軒  
宮委照而吳業昌淪精而漢道融若夫氣霽地表雲斂天末洞庭  
始波木葉微脫菊散芳於山椒鴈流哀於江瀨升清質之悠悠降  
澄暉之靄靄列宿掩縟長河韜映柔祇雪凝圓靈水鏡連觀霜縞  
周除冰淨君王乃厭晨歡樂宵宴收妙舞弛清縣去燭房卽月殿  
芳酒登鳴琴薦若乃涼夜自淒風篁成韻親懿莫從羈孤遞進聆  
臯禽之多聞聽朔管之秋引於是絃桐練響音容選和徘徊房露  
惆悵陽阿聲林虛籟淪池滅波情紆軫其何託愬皓月而長歌歌  
曰美人邁兮音塵闕隔千里兮共明月臨風歎兮將焉歇川路長

兮不可越歌響未終餘景就畢滿堂變容迴遑如失又稱歌日月  
既没兮露欲晞歲方晏兮無與歸佳期可以還微霜霑人衣陳王  
曰善乃命執事獻壽羞璧敬佩玉音服之無斃

雪賦

劉宋

謝惠連

歲將暮時既昏寒風積愁雲繁梁王不悅遊於兔園迺置旨酒命  
賓友召鄒生延枚叟相如末至居客之右俄而微霰零密雪下王  
迺歌北風於衛詩詠南山於周雅授簡於司馬大夫曰抽子秘思  
騁子妍辭侔色揣稱爲寡人賦之相如於是避席而起逡巡而揖  
曰臣聞雪宮建於東國雪山峙於西域岐昌發詠於來思姬滿申

太康縣志

卷之八

藝文下

二

歌於黃竹曹風以麻衣比色楚謠以幽蘭麗曲盈尺則呈瑞於豐  
年柔丈則表沴於陰德雪之時義遠矣哉請言其始若乃元律窮  
嚴氣升焦溪涸湯谷凝火井滅溫泉冰沸潭無湧炎風不興北戶  
墜扉裸壤垂繒於是河海生雲朔漠飛沙連氛累曷揜日韜霞霰  
淅瀝而先集雪紛糅而遂多其爲狀也散漫交錯氛氳蕭索藹藹  
浮浮漶漶奕奕聯翩飛灑徘徊委積始緣薨而冒棟終開簾而入  
隙初便娟於墀廡未縈盈於帷席既因方而爲珪亦遇圓而成璧  
眇隰則萬頃同縞瞻山則千巖俱白於是臺如重璧逵似連璐庭  
列瑤階林挺瓊樹皓鶴奪鮮白鷗失素紈袖慙冶玉顏掩嫫若迺

積素未虧白日朝鮮爛兮若燭龍銜耀照崑山爾其流滴垂冰緣  
霽承隅粲兮若馮夷剖蚌列明珠至夫繽紛繁鷺之貌皓汗皦潔  
之儀迴散縈積之勢飛聚凝曜之奇固展轉而無窮嗟難得而備  
知若乃申娛翫之無已夜幽靜而多懷風觸楹而轉響月承幌而  
通暉酌湘吳之醇酎御狐貉之兼衣對庭鷗之雙舞瞻雲鴈之孤  
飛折園中之萱草摘階上之芳薇踐霜雪之交積憐枝葉之相違  
馳遙思於千里願接手而同歸鄒陽聞之懣然心服有懷妍唱敬  
接末曲於是乃作而賦積雪之歌歌曰携佳人兮披重幄援綺衾  
兮坐芳褥燎薰爐兮炳明燭酌桂酒兮揚清曲又續而爲白雪之

太康縣志

卷之八

藝文下

三

歌歌曰曲旣揚兮酒旣陳朱顏醜兮思自親願低帷以昵枕念解  
珮而褫紳怨年歲之易暮傷後會之無因君寧見階上之白雪豈  
鮮耀於陽春歌卒王乃尋繹吟翫撫覽扼腕顧謂枚叔起而爲亂  
亂曰白羽雖白質以輕兮白玉雖白空守貞兮未若茲雪因時興  
滅元陰凝不昧其潔太陽曜不固其節節豈我名潔豈我貞憑雲  
升降從風飄零值物賦象任地班形素因遇立污隨染成縱心皓  
然何慮何營

五子歌臺賦

有序

國朝

宋士莊

太康有陵園在邑東南其西則五子歌臺想當時從遊作歌於此

諒矣然墓地無存豈復歸故國耶抑歲久湮沒而莫識耶古廟僅存臺基剝落悲哉夫忠臣苦口烈士抒情將萬世人主之龜鑑奚藉於臺榭之有無顧弔古者遊目遐覽追維往事不能不以之興懷因援筆而爲之賦曰繫安邑之發祥兮啟大夏而應運何金德之受尅兮歷再傳而生量太康虛位畋獵而荒后羿不臣距逐以亡有弟咸怨溯自陶唐述訓作歌冀悟君王嗟皇祖之君臨兮錫元圭以告寧繼虞姚以紀綱兮實明德之維馨陳祖宗之圖書兮誰謂貽謀之不準也何子孫之荒墜兮痛一朝之遂隕也伊窮梟之獰獰兮用遽覆我夏家攬禹甸之芒芒兮詎能聽彼喧嘩彼洛

太康縣志

卷之八

藝文下

四

水實有靈兮聽我王而大遯豈十旬之可留兮寧一朝而難返披星日而帶露兮予一身其奚膏也歎白髮而聽寒流兮羌萬祀而弗永也維五子之陳詞兮旣痛哭以莫持噫千古之不君兮其失道實相夷不尙彫題帝世維皇爰卑宮室夏道用昌緬斯歌也又奚有玉門瓊宮探長河以飄渡金莖銅雀揖飛仙而翱翔者也藜藿不和俾力稼穡儀狄疏絕以戒亡國緬斯歌也又安有酒可行池鼓牛飲以放酣肉可肥林煎民膏而作慝者也降帝子以觀刑泣灑湘瀾撫呱聲而弗子娶美塗山緬斯歌也又安有漲膩渭流望斷阿房之雲裊恨別漢室怨寫長門而淚潛者也至若垂薶旒

而高拱不貴禽淫歷春秋以省觀遂入風吟緬斯歌也又安有東  
遊初巡遂來博浪之怒擊西封多誕始悔輪臺而莫禁者也嗟嗟  
忠臣義士怨無所底瀝血披肝義盡厥美麥秀怨狡童之情乖黍  
離歎伊人之亂始小雅戒王呼籲上天離騷憂讒淚落流水丹心  
共揭兮徧識於樵夫牧豎之傳遺踪不沒兮披靡於荒烟蔓草之  
裏白日兮爲之慘淡陰風兮爲之颯起鬼神恫兮長其呵護里民  
祝兮消其殃否俯仰徘徊臺廟重摧何代而成何年而頽攄忠藎  
於千百往古留精誠於萬世劫灰後之有志於國家興亡之戒者  
曷流覽於荒臺

太康縣志

卷之八

藝文下

五

河圖洛書賦

柳若龍

易之爲書也卦分先後辭繫象彖羲文始作周孔交贊其旨遠而  
詞文宜居安而樂玩若乃學者紛紜亦且言之錯亂其涉於象數  
者牽合而傳會其端於文義者支離而散漫苟圖書之理未明將  
卦父之義奚判夫何形揮渾以盱睢兮圖則或圓而或方也般總  
總以轆轤兮數則或短而或長也紛左右前後之離合兮何若頡  
而若頡也極參伍錯綜之變化兮孰爲領而爲綱也爾其搜奇異  
於神龜探幽深於龍馬近取諸身而遠取諸物仰觀於上而俯察  
於下其爲圖也一陰一陽同居其位其爲義也分陰分陽各據其

方或以生統成而積實無餘或以奇統偶而數不必詳或觀其體先後有常或觀其用變化斯彰若其異而同者五居中央凡數之始本乎陰陽方圓異象神奧以藏妙徑圍之皆一極參兩而道光合五位以相得知二三之難量老少陰陽互藏其宅進退饒乏爲主爲客縱橫十五揭焉擘畫消長盈虛迭焉探索既瞭然而可指亦朗如而堪摘是故羲文因之以造易分先天與後天禹箕叙之而作範盡天事與人事非前後之相襲豈精粗之各異本太極以無爲建皇極而正位探二氣之流行揭三才而昭示至如五緯三辰之行度九州四野之道里實歷紀所從測而封疆所自始故曰

太康縣志

卷之八

藝文下

六

河圖洛書相爲經緯八卦九章相爲表裏爾乃網網縕縕經縷縱橫南北有秩東西有程煥乎若魴方珮甲飾綏纓也溟滓鴻濛澗洞窈冥元黃混并瑰乎若畦分罽布限觚稜也然而天地之理渺而莫通象數之蘊微而難窮孔班向歆誰實適從劉牧希夷並多異同康節經世之篇自號希家紫陽啟蒙之論實折其中集諸儒之大成爲學者之所宗若乃蒼圓而神四營三變物有萬殊道惟一貫觀卦爻之響應本圖書之璀璨豈導流而塞源乃強支而弱幹庶究心於河洛思理數其過半

八卦壇賦

邵 寶

惟庖犧之御宇實立極而繼天得太極含三之本居混元不二之  
筌挾天根月窟之奧探四象兩儀之元兆文明於太始啟道統於  
莫先爰宅中於宛邱之上用壘土爲畫卦之壇原夫黃芽欲發蒼  
精無象網網緼緼蒼蒼莽莽旣龐鴻之未兆何聲臭之可想問洪  
纖而未得自契胚渾考上下以都忘孰分天壤及夫大樸將散三  
光欲萌清濁自茲而判昏明由是以生然後品彙混成用作有形  
之始淳和外朗將舒至道之精天不愛道地且効靈因感河圖之  
獻瑞爰畫八卦以成能惟乾爲天爲父兮純陽三連惟坤爲地爲  
母兮純陰六斷一索得男兮惟震仰盂三索得男兮惟艮覆盃離

太康縣志

卷之八

藝文下

七

以中女而中虛坎以中男而中滿兌則少女而上缺巽則長女而  
下斷兩大旣立六子斯繼至蹟至幽若正若散範圍天地而不過  
總括萬物而無算異同任朱陸之爭彖象待姬周之纂識緯假之  
以眩俗十翼贊之而難緩洵千古斯文之祖萬世周道之坦迄今  
雖屬寂漠之荒臺遡古實爲神聖之琳館乃其軒臨碧水簷受薰  
風面迎靈池徑蔭古松高不踰丈廣可十弓不假綵繪之飾無勞  
雕鏤之工景神區兮渺匹邁衆壑兮特立何樵採之敢來惟文士  
之宜人願祖述而未逮庶望古而遙集尼父之絃歌遜古紫陽之  
鹿洞莫及洵弗讓於苑之閭而圃之元又奚羨於島之三而洲之

十乎歌曰元元鼻祖竄難儔畫卦遺臺今尙留地枕龜池臨蔡水  
基連蒼苑壓陳州非文非字渾無朕含象含爻方待搜周情孔思  
收莫盡先天誰不仰前猷

揲蓍堂賦

以參天兩地  
而倚數爲韻

車文

稽包羲之聖德兮偶天地以爲參乃幽贊於神明兮泉如醴而露  
甘爰生神物之異兮叢盈百而盍簪稟五行以爲象兮妙太乙而  
獨涵備陰陽之萬變兮具開物之指南龜在下而不去兮雲在上  
而相弇爾乃緬然以深思效法以紹天龜用五以稽疑蓍用二以  
鉤元仰天若而面稽乃築壇而布筵登降壇只法象森然察陰陽

太康縣志

卷之八

藝文下

八

於俯仰觀造化於方圓爾乃本中宮而定數析陰陽以爲兩得人  
道於掛一象三才而不爽寒暑往來於四策氣朔盈虛於指掌窮  
天地之終始盡元會之來往化而裁之以參天而兩地變而通之  
乃蓍神而卦智或成天圓之象於三三或著地方之形於二二或  
兩二而一三其得河圖東方之位乎其陽之穉乎或兩三而一二  
其得河圖西方之次乎其陰之貳乎誰謂陰陽之道遠而誰謂幽  
隱之不可以窺之既極數而通變乃變動而不居於是乎參伍錯  
綜率是法以爲倚引伸觸類感象妙而宏起窺月窟於乾一之變  
兮終於夫而壯趾見天根於坤兩之化兮成於剝而艮止析觀一

卦之變兮六十四而可紀統觀全易之化兮四千九而未已通德  
類情兮法天地以爲數彰往察來兮開羣物而成務人謀鬼謀兮  
合貴賤而通故潛天潛地兮偕古今以披霧不占險以濟惡兮道  
中正而可慕必潔靜以精微兮惟寡過以爲度小人悖凶兮個規  
矩而改錯君子修吉兮來吾道乎先路亂曰烏虜壇兮萬象含兮  
卿雲曇兮樂湛湛兮謂壇蓋高包天地兮謂壇蓋大藏山淵兮日  
月於斯而出入羣瞻仰兮風霆於斯而周旋驚鼓盪兮萬古斯壇  
亦孔固兮天地鬼神永呵護兮土石纍纍瞻寶璐兮懷古君子應  
神遊兮

太康縣志

卷之八

藝文下

九

詩

述祖德詩二首

劉宋

謝靈運

邑人

達人貴自我高情屬天雲兼抱濟物性而不嬰垢氛段生蕃魏國  
展季救魯人弦高犒晉師仲連卻秦軍臨組乍不緹對珪寧肯分  
惠物辭所賞勵志故絕人苔苔歷千載遙遙播清塵清塵竟誰嗣  
明哲時經綸委講綴道論改服康世屯屯難旣云康尊主隆斯民

又

中原昔喪亂喪亂豈解已崩騰永嘉末逼迫太元始河外無反正  
江介有蹙圯萬邦咸震懼橫流賴君子拯溺由道情龕 資神理

秦趙欣來蘇燕魏遲文軌賢相謝世運遠圖因事止高揖七州外  
拂衣五湖裏隨山疏濬潭傍巖藝粉梓遺情拾塵物貞觀邱壑羨

同謝諮議銅雀臺

南齊謝眺邑人

總帷飄井幹罇酒若平生鬱鬱西陵樹詎聞歌吹聲芳襟染淚迹  
嬋媛空復情玉座猶寂寞况乃妾身輕

謝元

唐孫元晏

百萬兵來逼合肥謝元爲將統雄師旌旗首尾千餘里渾不消他  
一局棊

謝混

前人

太康縣志

卷之八 藝文下

十

尚主初當偶未成此時誰合更關情可憐謝混風華在千古翻傳  
禁鬱名

謝瞻

前人

仗氣凌人豈可親只將范泰是知聞緣何喚作雲霞友却恐雲霞  
未似君

袁粲

前人

負才尚氣滿朝知高臥閑吟見客稀獨步何人識袁尹白陽郊外  
醉方歸

謝朓三首

前人

謝家諸子盡蘭香各震芳名滿帝鄉惟有千金更堪重只將高臥  
向齊王

解璽傳呼昭侍中却來高臥豈疏慵此時忠節還稀有差羨君王  
特地容

小輿升殿掌鈞台不免無憀却憶回應恨被他何允誤悔先容易  
出山來

駐節太康

唐  
郎士元

霜葉飛紅過夏墟金風吹雁集荒渠鞭揮清渭分流外目送烏江  
遠樹餘五子歌聲猶在耳十旬獵迹已成畬年時人事堪惆悵悶

太康縣志

卷之八

藝文下

十一

對牙旗展簿書

夏初醴泉南樓送太康顏少府

唐  
岑參

何地堪相餞南樓出萬家可憐高處送遠見故人車野果新成子  
庭槐欲作花愛君兄弟好書向潁中誇

江樓送太康郭主簿赴嶺南

劉長卿

對酒憐君安可論當官愛士如平原料錢用盡却爲謗食客空多  
誰報恩萬里孤舟向南越蒼梧雲中暮帆滅樹色應無江北秋天  
涯尙見淮陽月驛路南隨桂水流猿聲不絕到炎州青山落日那  
堪望誰見思君江上樓

巡歷太康

元 史天澤

奉使孤城駐馬蹄  
霜風冽冽戰旌旗  
一鈎薄暮天邊月  
昭見禽荒舊地基

過太康

明 彭綱

化美聞今日俗淳  
見古風遠懷吾土  
近真與是邦同故  
舊凋零外衣冠感  
慨中民興三代後  
況遇歲時豐

八月九日奉送顧公致政還太康

明 楊士奇 廬陵大學士

潞渚初晴漲未消  
衣冠祖餞出河橋  
登名科第踰三紀  
奉職京華已四朝  
肯以暮齡孤寵祿  
永懷幽興在漁樵  
徒令衰疾淹留者  
悵

太康縣志

卷之八 藝文下

十二

望冥鴻不可招

又

明 王一寧 台郡

十年肅政總臺綱  
白簡曾飛六月霜  
骨鯁丹心存社稷  
冰清高節擅巖廊  
到家好結耆英會  
歸路須登畫錦堂  
莫羨懸車多寵異  
天晝褒錫更輝光

太康城感舊

明 王鈍 邑人尚書

遼鶴悲風華表寒  
陵遷谷變不勝歎  
荒城似斗居人少  
蔓草連雲戰血乾  
陶母林巒渾草莽  
馬堤花柳已凋殘  
傷心三十年前事  
淚著衣衫點點斑

元日過太康

明 吳國倫 河南 參政

宛邱椒花不成頌陽夏柳葉難爲春浮家兒女更離索畏路衣冠  
徒苦辛元日詩從旅食就百年愁積顛毛新殷殷村鼓發何處馬  
上逢人非所親

太康道中

王 鈍

城郭千年舊村墟百戰餘客途迷草徑民舍結茅廬野燒驚文雉  
河冰帶錦魚莫輕傷往事空惹淚沾裾

太康陵

明 顧 璵 邑人

少康東畔太康陵指點遺墟始識名泉石已非前制度山川猶是

太康縣志

卷之八 藝文下

十三

舊經行春來古木連雲碧雨後蒼苔匝地生幾欲臨風重弔古野  
烟殘月不勝情

同吳撫臺謁顧端肅祠

明 王 埏 邑人都 御史

春省巡遊問倒懸畫熊到處麗山川前朝風采垂今古此日聲名  
耀後先仰止松筠千載肅行看棠蔭百秋延司農崇祀真奇遇名  
世交輝映簡編

霸王臺弔古

明 郭顯忠

項王駐馬有高臺此日登臨野色開赤帝符成炎運起烏江兵散  
楚歌哀幾家烟火依寒壘一代雄圖付古堆過眼興亡那可論未

央宮殿久塵埃

高密侯墓

朱禋邑教諭

高密封來迹已陳尚留荒塚臥麒麟征車莫怪殷勤式曾是雲臺

第一人

黃岡早發

明劉湜邑進士

片帆清曉發迢遞渡黃岡遲日明沙草輕風動野棠宦情隨驛轉

行色入詩囊回首山城樹青青引興長

王節婦

明賈詠臨潁大學士

黃鵠歌殘拭淚痕紫鸞詔下表閭門中郎有女共姜節令伯陳情

太康縣志

卷之八藝文下

十四

祖母恩八十一年人已沒百千萬載史應存紛紛世上裙釵婦華

袞誰能得片言

又

楊守陟四明大學士

掩鏡離鸞六十霜鉛華無復對晨粧孤孫百世箕裘業貞節千年

宅里光南史謾勞誇令女國風誰復頌共姜九泉若與夫君會笑

指心同百煉鋼

弔郭烈婦

王瑞麟邑舉人

汾陽子弟自錚錚更有閨房策令名不逐三春桃李艷惟堅百歲

鳳鸞盟微軀堪為綱常碎奇節從教汗簡青座骨山前千古月常

縣龍樹照霜旌

劉烈婦

明 陳 藻 應城給事中

束髮從君君已捐妾今何忍獨長年自知一死同塵夢不把綱常卸玉肩鸞鳳連翩歸碧海松羅千古渺蒼烟誰云仗節真難事况是柔腸也石堅

道傍五女

師尚詔寇太康五女死道傍失姓氏稱五女塚

郭顯忠 邑人

烽火縱橫遍野村道傍枯骨幾黃昏荒雲落日迷歸路彤管遺編洒淚痕莫笑紅顏埋草莽爭如白璧照乾坤獨憐抔土無人問剩有清風慰爾魂

太康縣志

卷之八

藝文下

十五

九烈女塚

明 耿 燿 邑人貢士

朱門華屋幾經秋烈女貞珉尚有邱地聚羣芳埋碧玉天全浩氣入青疇寒雲舊識千年骨蔓草無言九點愁日暮行人憑弔處數聲啼雁過沙洲

輓魏縣令殉城難

明 鄭道長 邑庠生

寇滿中原已莫支肝腸寸斷守陴時臨危肯以偷生改誓死難將大節移萬古忠魂騰碧漢千秋正氣奠皇維真卿巡遠今何在烈日秋霜四海知

寶塔歌

明 郭顯忠 邑人

高塔突兀矗虛空南望嵩室西崆峒夜登海底見日紅中州兩河  
在目中千村萬戶如蒿蓬何人經始何人終父老皆云中丞公吾  
康中丞一世雄岳降生申明且聰抗疏曾擊貂璫叢手挽節鉞跨  
神驄言念城邑勢虧東議建浮屠增崇隆鄉里小兒願從翁內有  
申叟衆莫同重義輕財奏厥功九級盤根俱石礎曲蹬攀緣透玲  
瓏斗大寶瓶金鍍銅舍利密藏佛光融東南半壁直掛虹呼吸之  
氣與天通碧眼真人白玉童危簷往來御長風俯視吾康憐困窮  
願將民隱達帝宮勿使水旱再相逢帝遣巨鰲來奠此城隈千載  
鎮年豐

太康縣志

卷之八

藝文下

十六

霸王臺歌

明  
宋薊齡

西楚霸王成敗奇斬令斬將血淋漓鉅鹿兵威咸陽火裂地分王  
任肱麾垓下楚歌胡頓集大澤田父何爲欺豈惟咤聲怒成恨豈  
惟印刑德轉怨當年書劍不耐學猛力暴氣凌千萬水火之中益  
深熱富貴還鄉祇虛願悲哉分隊騎馳下不聽愛姬泣深夜江東  
豈能留面目雄心到此難復霸楚漢特起皆英雄豈似曹馬專行詐  
攬觀勝負興亡間上帝陰隲不少假吁嗟乎千里騅猶加憐千金  
首可棄捐拔山蓋世勇安任荒臺蔓草到今傳

節孝李母吟

馮千英

自古重綱常精光日星揭由來浩然氣生死永不滅賢母松栢姿  
孝與節雙烈良人少失恃音容追恍惚璇閨承厥志製象搏檀屑  
宛然視無形奉之猶不沒一身兼嚴慈孤雛勤護恤絳帷自教兒  
飛鳴成令哲荼蘼六十年節孝旌門閥裕後復耀前千秋挺萃律  
一朝坐尸解遐齡享大耋雪夜吐金光遠邇驚發越孝感徹九霄  
清魂凝瑞霽冰心月共耀玉質霜同潔貞水何矯矯菁葱蔭佳樾  
曾孫毓芝蘭綸音旌墓紼

輓烈女 壬午冬一少婦賊欲執之大罵不從賊殺於河東岸

魏觀颺 邑人鎮江通判

烈女魂何在蕭蕭渦水東良玉沉沙底真金出火中一身千載恨

太康縣志 卷之八 藝文下 十七

九死萬夫雄試看磚百煉猶帶血痕紅

輓李烈女 張普照 貢生

稚女何從學冰心似鏡天青鸞未見影黃鵠已成篇但願同生死  
誰言計後先九泉方一面相慶更相憐

九烈女塚 耿繡燹 邑人禮部主事

漫將節義崱同儔尚有荒墳衆女流拚得貞魂如一日留來烈氣  
自千秋楓林日落餘寒翠畫雲風高起暮愁爲薄湘江啼竹者甘  
心次第入松邱

渦水三章爲王榮勳妻張氏節孝作 董篤行 都御史御

渦之水其流清斯淑人君子其德 斯

白之山峻且巖兮淑人君子美 兮

渦水湯湯白山蒼蒼淑人君子山高水長

學宮告成

邵

詵

邑庠生

泗水平分此地多流來宮殿壯 義人親俎豆千年澤天縱文章

萬頃波畫棟烟雲飛泰岱朱門松柏插巖阿於今莫謾誇輪奐好

傍壇除共切磋

義學課士

朴邑侯建學甫成課士

鄭正心

領得春風一日情瑤花琪樹並 榮文翁蜀郡徵才日伯起關西

太康縣志

卷之八

藝文下

十八

典學聲金屑銷鎔歸大冶玉山參惜見羣英招賢正爾開東閣不  
數言游僅滅明

陶母岡

耿

颺

拔貢

陶母岡上樹如齒陶母岡下種禾黍登高四望盡平原中有一邱  
巋然起里人訛傳是晉時陶侃之母葬於此晉代銅駝生荆棘中  
原蹂躪無休息武昌旌旗日旁午何年載母此窀穸或者以訛復  
傳訛爲岡爲陵不可識雨後土耕見瓦在耕人拾得陶與窳置之  
几案色黝然周爨漢鼎同博古我家陶母岡之西每疑岡名爲陶  
母久之相習轉相親何必孜孜辨真假有時依樹爲良友有時藉

草爲錦茵携酒先澆胸塊壘餘酣却問長眠人

西園弔古

邵采臣

依舊西園秀色新花明柳綠迥無塵一團春意惱人眼不見當時  
了事人

誰見冷風足夏涼更無環翠鬪春芳荒園空有佳名在留與詩人

弔夕陽

春田

前人

雨足平疇土脈酥耕耘無恙問農夫此間不是雍涼地也有豳風

八畫圖

太康縣志

卷之八

藝文下

十九

採桑曲

前人

遲遲春日淡紅明爲採柔桑陌上行喜得太平無事擾新絲二月  
不須驚

五子臺

崔應階 郡守

盤遊無度棄斯民外作禽荒動十旬母子失依寧滅國弟兄離怨  
愧天倫五歌慷慨思皇訓一御倉忙走洛濱賴有空臺傳孝弟夕  
陽烏鳥噪荆榛

殘伏歸至太康道上晚行書懷

前人

炎蒸時作大梁遊殘暑歸來早及秋傲骨已將磨煉盡宦情漸覺

逐波流行看月映  
杏花白怕聽蟲吟  
豆葉愁南望  
慈帷千里隔  
五年何事尚淹留

陽夏八景

崔應階  
郡守

歌臺流響

禽荒終弗反  
版蕩欲疇依  
御母從亡出  
悲歌不忍違  
空臺傳五子  
遺響落晴暉  
登眺人何在  
慈烏到處飛

靈塔晴光

鷲嶺東郊外  
凌空雁塔晴  
光浮旭日靈  
秀毓名賢倚  
檻雲千里  
環城水一川  
憑高聊矚目  
春滿杏花天

太康縣志

卷之八

藝文下

二十

花萼春榮

何年此築臺  
武后看花來  
艷色欺紅杏  
濃香落素梅  
行春丹鳳輦  
上壽紫霞杯  
可惜一抔土  
棠梨空自開

長山積翠

芳郊凝望處  
幾曲小峯巒  
雨浥春如洗  
烟拖黛欲攢  
題詩堪徙倚  
載酒足遊觀  
亦有山林趣  
何人肯掛冠

蓮池夜月

輕舟池上去  
荷葉正田田  
碧沼光啣月  
香風暗度蓮  
夜涼宜泛酒  
波靜欲生烟  
頓令塵襟滌  
高歌獨叩舷

霸壘斜陽

楚漢相持地曾經萬竈屯  
秋風嘶戰馬落日愴征魂  
霸業終何在江山空復存  
而今過舊壘禾黍自村村

渦水秋瀾

沙分渦水出一派走江湍  
暮雨添新漲秋烟上碧瀾  
舟橫蘆葉岼漁唱蓼花灘  
風景如湘浦歸思起釣竿

宋岡紅葉

落日匡城路揚鞭指宋岡  
風颺梨葉赤烟冪柳絲黃  
二月花如錦三秋色染霜  
停車相對處詩思滿奚囊

太康縣志

卷之八

藝文下

二十一

歌臺流響

武昌國邑令

吹臺簫管已無聞此地遺聲恍入雲  
三世舊都千里隔十旬歸路一川分  
風吟木葉成天籟蟲篆垣衣見古文  
厥弟五人猶廟祀可憐寂寞夏康墳

臺上有五子廟

靈塔晴光

晴雲度處見高標突兀撐空俯麗譙  
絕頂平臨紅日近危欄一望碧天遙  
長凝寶氣輝清畫特起文峰接慶霄  
寄語破荒三老宿題名記取是今朝

塔在東南爲巽峰主一邑文風科第中絕二十一年庚辰獲雋者三人貢一人皆宿學

花萼春榮

天后嬉春巡幸地却教連夜報花開當年過輦遺珠翠今日登邱  
遍草萊爛熳桃花如雨落迷濛柳絮逐風迴村農綠野扶犁處指  
點平岡號萼臺

長山積翠

何處長山未了青空餘嵐氣寫山形古祠寂寂埋春色新柳重重  
作翠屏階上苔痕秋更綠樹含雨氣晝還暝匡廬面目終難識且  
步東臯憩野亭

蓮池夜月

紅蓮無色白蓮空一片清光水月同亂落明珠凝葉露輕搖白羽

太康縣志

卷之八

藝文下

二十二

入花風詩情到此俱塵外禪味原來在箇中却憶澄江烟雨後綠  
雲千頃泊孤篷

霸壘斜陽

固陵陳迹已淒涼壠草墟烟古戰場千里駿騅隨逝水數行歸犢  
帶殘陽雲遮遠樹旌旗變日落平沙壁壘荒廣武徘徊應有意至  
今但笑阮公狂

渦水秋瀾

渦渠新漲雨初晴菼蕩餘瀾入望明竹箭安流秋色靜長虹臥影  
晚波平舟通淮水清川漾地接黃河遠浪生試看西風殘照外扶

疎岸柳帶潮聲

宋岡紅葉

諒無鶻血染枝新  
誰向天公更買春  
野景自然饒畫意  
霜林不信有花身  
數家白屋堪沽酒  
一抹殘霞欲近人  
待把珊瑚比深淺  
石家金谷久荒榛

過宋岡看紅葉

汪鑣

邑丞

好事天公意倍奢  
清霜著葉似丹砂  
掃除俗艷留奇致  
粧點秋容作物華  
烏柏不烟千樹火  
赤城非暮一林霞  
遊人駐馬還相賞  
報道紅於二月花

太康縣志

卷之八

藝文下

二十三

霸王臺歌

王世冕

署丞

六國歸秦秦失鹿  
天下健兒誇捷足  
陳吳阡陌起狐鳴  
楚漢東西競蝸角  
太康古蹟盡茫昧  
只有固陵土一掬  
殘陽尙照霸王臺  
上有居民結茆屋  
故鄉富貴等浮雲  
漢壘悲歌皆楚軍  
假令韓彭終不應  
劉項雌雄尙未分  
固陵一擊不再勝  
五侯從此成高勳  
吁嗟乎漢家陵闕榛  
蕪遍別館離宮誰  
復見獨此巋然猶  
若彭城戲馬臺  
臺能使千古英雄  
淚如綫

登靈光塔望渦河

柳中星

玲瓏塔上碧天青  
三面平疇一面城  
極目河流東去急  
茫茫一線

近沙明

塔聳千尋峙碧霄登臨一望白雲遙徘徊絕頂無人處空聽寒泉鎖寂寥

歌臺流響

許然邑人

鬱陶心獨苦感歎有餘音過客徘徊久荒臺烟草深人亡聲未杳事遠跡初沉遺響傳青史流風直到今

靈塔晴光

塔影開雲表如峯秀出羣鐸聲流逸響靈氣兆斯文縹緲風初入晶瑩日未曛憑高閒極目瑞色繞繽紛

太康縣志

卷之八藝文下

二十四

花萼春榮

上苑饒佳麗胡爲此築臺洛陽花較晚渦水駕頻來玉輦陪芳杳金尊泛早梅風華今邈矣蜂蝶尙徘徊

長山積翠

相傳隅首土地祠卽長山舊址

長峯在何處萬井護縣延今昔殊陵谷傳留自簡編雲垂橫遠黛樹老鎖蒼烟積翠餘佳話山靈亦暢然

蓮池夜月

載酒乘涼夜輕舸泛綠池澄波浮瀲灩皓魄漾參差解語花迎笑涵空影入卮采蓮歌正好不覺醉歸遲

霸壘斜陽

空負拔山力虞兮柰爾何中原餘戰壘  
垓下憶悲歌蓋世功難就  
浮生跡易磨秦宮與漢殿同此夕陽多

渦水秋瀾

八望澄波遠微陰好泛舟涼風輕滌暑  
渦水正含秋碧聳瀾千疊  
紅翻蓼一洲觀濠同逸興魚我共悠游

宋岡紅葉

停轡秋鳳晚徘徊眺宋岡葉飄紅雨外  
霞散赤城傍照眼花疑發  
擗枝蘂異芳悠然欣賞意應不減春光

太康縣志

卷之八

藝文下

二十五

歌臺流響

鄭志麟邑人

五子從兄實可哀至今康邑有歌臺禽荒不返網維解民怨疇依  
涕泣來野樹飄風傳逸響空潭夜雨滴閒苔明明祖訓垂青簡千  
載興悲去復回

花萼春榮

芳菲一夜化工成上苑繁花照眼明掩映樓臺多氣色滋培雨露  
倍敷榮千枝艷冶迎宮輦十里穠香襲錦城寂寞金輪留賞處春  
來依舊有鶯聲

長山積翠

中條一脉到長山翠積重巒任往還百里花封嵐氣擁萬家烟井  
黛螺環虛無曉掛藤蘿影黯淡秋添錦石斑極目匡城青未了何  
人挂笏岫雲間

霸壘斜陽

重瞳霸業已銷亡野老傳聞駐太康壁上英威餘叱咤帳中歌舞  
摠悲涼美人駿馬歸黃土廢壘荒臺自夕陽日暮徘徊弔遺迹平  
原何處奠椒漿

書院落成

二賢書院久荒賤棧樸菁莪樂育難况復青烟沉釜底誰將赤幟

太康縣志

卷之八

藝文下

二十六

樹臺端 武侯調任來陽夏文治重新耀大觀遍野桑麻沾雨露  
滿門桃李盡琅玕陳高德澤傳洙泗詩禮風流守杏壇萬載儒林  
留姓字千秋惠政沐波瀾祠堂旁建興賢院學舍新彈貢禹冠成  
德達財分化育明經治事兩研鑽庭除草翠生機茂絳帳風和禮  
數寬多士雲蒸爭負笈羣賢霞蔚共頰弁昂昂千里天衢近皎皎  
中秋桂窟寒鐵硯磨穿藜照讀金蓮燭撤露凝盤他年彩鳳朝陽  
集此日鯤鵬北海搏奎壁光生思樂泮從公於邁頌聲歡

靈塔晴光

王天錫

邑人

塢影凌霄漢文明象可方八牕皆洞達一碧自輝煌矗起長山表

孤懸渦水旁岩堯八雲路應許近奎光

花萼春榮

大地青陽轉萼臺依舊新金樽遲皓月玉輦促清塵風送嬌鶯轉  
雨添翠黛勻當年臨幸處歌舞幾芳晨

蓮池夜月

綠影澄波麗清池浸月孤澹烟籠翠蓋潔玉映冰壺香度風廻岸  
花明露瀉珠通宵看不厭恍得八仙都

霸壘斜陽

霸壘今仍在荒涼碧草縈殘烟村樹合短笛晚吹橫逐利爭秦鹿

太康縣志

卷之八

藝文下

二十七

聞歌失楚兵登臨無限意徙倚夕陽明

渦水秋瀾

一水環城遠秋光迢遞通波含文藻麗色共曉天空宿鷺浮烟起  
輕瀾映日融悠然清興裏漁笛響西風

宋岡紅葉

秋色明人眼霜紅葉轉新翻從搖落日得遇艷陽春直可凌丹嶂  
還宜襯碧筠臨風漫翹首有客駐車塵

靈塔晴光

突兀文峯起峻嶒挿碧空千霄憑地勢奪目想天工靈氣千秋翠

李勳

庠生

霞光四望通晴明無限好城郭帶葱葱

蓮池夜月

芙蓉靜夜芳皓月滿銀塘上下金波動參差粉貌涼塵心緣露淨  
素影帶風香池上留連久攀莖倒一觴

渦水秋瀾

王 鉞 歲貢

湛湛渦河水秋來覺更幽風吹銀浪細樹接碧烟浮渺渺沙邊雁  
依依萍際鷗觀瀾如有興隨意駕扁舟

宋岡紅葉

宋岡驛路通夾岸葉飛紅暑藉嚴霜染渾如夕照融風來聲淅瀝

太康縣志

卷之八 藝文下

二十八

雨過色葱籠會得芳菲意停車指顧中

歌臺流響

戴 珥

禽荒不返待如何此地空聞五子歌響入風簷驚鐵馬臺滋露草  
泣銅駝夕陽影裏芳徽歇鴻雁聲中幽怨多聽到豫遊傳夏諺可  
知同樂在民和

渦水秋瀾

戴 珥

澹然渦水漾新秋泛棹如同汗漫游碧漲平臨楊柳岸烟波晴擁  
蓼花洲迴瀾直欲連三峽激濁堪爭第一流千古桐江人未遠此  
心誰與共盟鷗

歌臺流響

戴鳳翔

邑令

五子悲歌處千秋剩此臺  
淒清流逸響慷慨有餘哀  
鼎訓空相勗盤遊竟不回  
夕陽荒樹外鳴雁數聲來

靈塔晴光

戴鳳翔

塔勢凌虛出殘霞漾晚晴  
靈光藏玉佛寶頂耀金精  
此處應題雁當春好聽鶯  
鍾奇知不偶輝映有羣英

花萼春榮

戴鳳翔

夙駕傳唐后巡遊正麗春  
人疑來月殿冥想及花辰  
勝地千秋記繁華幾度新  
緬懷雕輦路淹忽已成塵

太康縣志

卷之八

藝文下

二十九

長山積翠

戴鳳翔

一派平原境時排象外山  
偶從春淡蕩恍露碧孱顏  
雲樹蒼茫合人烟屈曲環  
光疑青滿郭雨後喜追攀

蓮池夜月

戴鳳翔

何處堪消暑花光掩映時  
靜觀蓮出水恰好月臨池  
皓魄中宵映香風四面吹  
相邀君子賞載酒得歸遲

霸壘斜陽

戴鳳翔

舊壘猶稱霸相傳古戰場  
至今遺宿草終古自殘陽  
堅壁風誰競揮戈日亦忙  
低徊懷往事楚漢總滄桑

渦水秋瀾

戴鳳翔

一水環城急三秋漾碧湍時添渦漲湧借作海濤觀氣接晴烟裊  
波搖夕照殘西江分派遠努力砥狂瀾

宋岡紅葉

戴鳳翔

岡頭秋瑟瑟葉愛醉霜楓地以人名宋林疑火撒紅珊瑚搖落日  
錦綺舞迴風寫入丹青筆鮮明仰化工

歌臺流響

江練

不惜金甌缺盤游奈好何十旬畋勿反五子怨興歌悲響流音遠  
荒臺引恨多鷓鴣禾黍外苦口叫哥哥

太康縣志

卷之八

藝文下

三十

靈塔晴光

江練

靈塔雲端矗登臨趁豔陽干霄增氣象懷古易蒼涼放眼乾坤小  
拋梭日月忙此間埋寶劍射斗有文光

花萼春榮

江練

鳳輦乘春出人疑綠萼華偶臨渦水駕遲看洛陽花豔曲憑風奏  
金枝插髻斜至今臺畔樹繁口鬧蜂衙

長山積翠

江練

匡城平行地那露碧孱顏浪點空中景如游畫裏山蒼烟千樹合  
粉堞萬家環積翠常排闥簾前草色間

蓮池夜月

江 練

渺渺環城水盈盈出水蓮來觀君子品喜趁月光圓濯淨冰壺魄  
歌殘古渡烟襟懷與天氣一片共澄鮮

霸壘斜陽

江 練

一鞭斜照裏往蹟愜幽尋過客談劉項荒臺自古今笛邊歌調苦  
壘畔陣雲深何必烏江水纔流慷慨音

渦水秋瀾

江 練

一片康陵水渦河不盡流波瀾常在夕澄淨最宜秋斷岬飄紅葉  
微風起白鷗誰言江北路髣髴蓼花洲

太康縣志

卷之八

藝文下

三十一

宋岡紅葉

江 練

野隨人姓宋秋色老平岡紅葉明如畫丹楓夜染霜珊瑚森幾樹  
霞綺散千章咀嚼吳江句攄懷想頡頏

癸酉大饑攝太康篆

高 崧

披星戴月未遑眠想爲蒼生策萬全人說康陵真沃土我來陽夏  
值凶年霑衣長帶憂民涕貯篋從無染指錢忍看嗷嗷都待哺無  
多清俸亦須捐

入興賢書院

高 崧

一榻春風暖停琴下董帷昔曾爲此牧今又作之師絳帳談經日

青衿問字時十年羞老女猶自畫蛾眉

呈戴阿閣明府

高崧

兩載臯比座當年舊宰官多君分鶴俸爲我買猪肝緣締朱陳好  
情聯賔主歡西江原一派努力共迴瀾

夜宿崔橋

高崧

崔橋聊小住一榻下蕭然剪燭吟詩草烹茶煮澗泉欲眠衾似水  
不寢夜如年幾日故人別孤心兩地懸

袁謝諸賢紀事

高崧

稽古循良史冊符風騷六代萃羣儒千金譽滿推賢子二寶名曾

太康縣志

卷之八

藝文下

三十二

重帝都左僕射聯右僕射太司徒繼少司徒焚香錄就簪纓記觸  
目琳琅偉丈夫

弔張海澄公

高崧

守陣無計定人心古硯權鑄井底沈冑矢石間全是膽陷東南角  
痛成擒勢危惟有拚孤注官好何從致萬金留得男兒眞血性千  
秋景倩是知音

漢陽夏侯

高崧

宣陽一鼓息羣氛建武當年立帝勲玉帳彤牙推懋績可知大樹  
有將軍

玉府多珍更錫誰公孫厚意荷深知蕪羹豆粥滹沱飯天子縈懷  
不盡時

靈塔晴光

戴國華

誰將文筆卓袁鄉靈塔崢嶸巽水傍上接青雲題雁字中騰寶氣  
射龍光縱觀滄海風懷遠連步花磚日影長焉得蘭亭偕逸少晴  
春來此一飛觴

蓮池夜月

戴國華

畢竟西池別有天花光脚接鏡湖圓盪胸朗印波心月照眼新開  
水上蓮香氣微聞風細細明珠淨滴露涓涓濂溪勝賞誰同調滌

太康縣志

卷之八

藝文下

三十三

我塵襟亦洒然

送邑侯晴谷高老夫子回廩延任

段大田

憶昔高公播政聲

高公諱上桂治太康大有政聲

我公繼起莅匡城陽春有脚恩

常遍碩鼠無牙訟自平卓茂遺徽千載仰劉芳懋績兩年成纖塵

不染渦河水

縣治載有渦水

應共神君一樣清

郭鳳岡

勞心撫字俗還淳長者車停僅兩春鼓以雷霆潤以雨敬如父母  
畏如神恩流蔀屋呼生佛教被儒林頌吉人三次遮留留不得

癸酉

紳耆赴省請留至再甲戌夏欽使過境公懇請留

可憐淚洒遍康民

郭峻德

龐令原非百里才  
牛刀小試識丰裁  
琴彈宓子和心暢  
花種潘郎滿縣開  
到處桑麻沾雨澤  
及門桃李荷栽培  
臨歧此日無他贈  
願祝文星據上台

段藍田

丰度翩翩甲第榮  
廩延移節蒞匡城  
一天甘雨隨車至  
兩袖清風滿座生  
花縣盡栽桃李樹  
琴堂自播管絃聲  
官橋來往車如織  
幾箇如公永令名

牛祥麟

太康縣志

卷之八

藝文下

三十四

兩載神君蒞太康  
手培桃李自芬芳  
春風百里花成縣  
自是公門勝狄梁

路可久

宦場甘守一官貧  
明鏡高懸不染塵  
博得頌揚聲載道  
清風兩袖贈何人

楊民安

受恩深處感恩深  
卮酒酬恩和淚斟  
此去鶯遷春信早  
匡城傾耳聽佳音

尙四德

百計遮留願竟違痴心赤子尚依依河橋祖餞公車遠彳亍斜陽  
不忍歸

王銘耕

慈君去我復何依臥轍扳轅擁四圍仙吏鳧飛留不住萬民惟有  
淚沾衣

韓廣廷

陽夏由來訟獄繁如山案牘積年存我公一到都清理折獄何曾  
讓片言

王化鯤

太康縣志

卷之八

藝文下

三十五

膏澤真成海樣深救荒佳政劇勞心囊空共識清如洗助賑猶輸  
質庫金

路達

最恨身無兩翼生難隨飛舄送公行河橋官柳依依態寫出黎民  
無限情

劉文炳

春滿匡城已二年而今匹馬賦言旋瞻依情狀公難捨不向春風  
疾着鞭

柳友韓

道公車立刻回匡城人 似雲 我公平日清如水普酌廉泉  
晉一杯

送邑侯阿閣戴公榮陞別駕並遵例引 見銓太守七言聯句

康陵八載扇仁風 耿萬英 不忍相 是我公 孔廣益 猛以濟寬今

子美 莅任以來姦猾歛迹 韓金殿 食而能教古文翁 公培植書院生童新立義學二十一處 龍廷霖

癡疲不棄生成外 邑中大疫公廣藥餌兼合 王立言 英儁都歸藻鑑中

邑中考校及秋闈分校所得皆知名士 張念祖 一邑難羈千里足 以卓異得今職 李文燦 雙旌行

導五花驄 遵例引 見銓太守 谷春融 堂楹並 經營績 補葺學宮修理書院改造城隍廟皆公捐

廉為倡 郭鳳岡 梨棗新鐫著作功 新志悉 手入觀 天顏知有喜 楊民

太康縣志 卷之八 藝文下 三十六

安 銘恩度士祝無窮 尙四德 龔黃事業雍容建 楊持衡 蒼赤瞻依

彼此同 張鵬大 遺愛及人碑在口 劉運景 甘棠樹下滿歌童 劉紹

先

阿閣夫子宰邑八年秩滿陞去闔邑受業諸生恭聯七律以

贈

匡峯下瞰彭蠡湖 周金堂 孕秀鍾靈誕碩儒 李沅洋 姓字春秋香

葢榜 路可久 循良勳績播 皇都 郭峻 恩頒舊第州司馬 大老師以

夫子加三級贈奉 直大夫 柳友韓 頭署新銜命大夫 夫子遵例引 見以 赤子流

連 父母 楊作賓 黃堂匆迫賦 駒 路 達 恰當祖餞東郊會 王

都 若念堂楹北面趨龍之黼 校士公平量玉尺楊作舟 摛懷虛朗

對冰壺馮占鰲 經談絳帳風生座王銘耕 指畫青衿雪點爐李樹

德 示我清芬揚竹冊太老師左傳周禮引用夫子自著梧 醉人醇

酒出郇厨夫子屢惠盤 文章合作詞林楷李藍田 孝友尤為度士

模王烜 矢口標名斬弟顯張鳳苞 循階舞綵博親娛太師母年逾八旬精

神尚健 福星沿路爭撩眼郭全先 別駕之官只借塗王巨川 榮戟

他年森列處尚士林 可能風雨憶吾徒李勁

太康縣志

卷之八 藝文下

送晴谷姻兄高明府奉諱南歸

戴鳳翔

文字天緣契相知二十春金蘭新合譜葭玉舊聯姻治法通今昔  
吟情疊主賓愛君清自守明封是前身

牧養仍師教文星幾度回治絲慚我拙下榻喜君來座擁縹緗業  
門多杞梓材梅花應比潔破雪向春開

昨報庭萱謝交遊共慘傷廿年鴻寄跡千里鶴歸鄉仕止心如水  
風塵鬢已霜康陵遺愛在到處頌甘棠

孝友今張仲風流古謫仙龍門叨附尾雁序得隨肩草戀春暉後  
人歸晚菊先臨歧勤寄語珍重米家船

太康縣志

卷之八

藝文下

三十八

晨夕周旋久形骸兩不知虛堂詢舊尹前席得經師披帳琴三疊  
生花筆一枝素心人去也梁月寄相思

賓筵徒設醴酸枣味尤清

君滴酒不聞每拇戰偶北輒以枣代同人多嘲笑爲樂集咏遂有團枣還應讓

主人之句又延津舊名酸枣君久宰斯邑故云

詩漾春雲態碁彈夜雨聲驪歌愁唱別燕

好重尋盟後會殷勤約江流無限情

留別阿閣戴明府

高崧

憶皆初傾葢桑梓締姻盟歷今聯夙契賓主爲弟兄醇醪水飲心  
先醉每坐元談到五更轉瞬駒曦如過隙倏然紅豆秋又生人生  
聚散無常事唱到驪歌偏重記羨君不渝金石交松柏歲寒徵晚

翠羨君雅抱經濟才父母斯民作名吏一麾出宰蒞蠡城錯節盤  
根勵素志循良人說使君好藉甚聲華膺上考康陵望歲同望君  
用作甘霖潤枯槁太上以德猛次之政體搯持得主腦豪衿猾吏  
斂其蹤積弊紛紛一齊掃鋤奸摘伏寃始伸虛堂燭照頌如神食  
豐四輔歲方稔市息三丸雉亦馴有時夏日烈可畏有時冬日暄  
可親猛濟寬兮寬濟猛洵如東里愛養之惠人我來時聽單父琴  
始識冰壺一片心彈指三年今判袂臨風嫋嫋灑清襟去去行蹤  
何語數不盡桃花澤水之情深鞭絲倏就河梁道看遍召棠郇

黍綠陰陰

太康縣志

卷之八

藝文下

三十九

阿閣太守宰豫政成人 覲恭贈

詹楷

國家承平二百年師師濟濟肅官聯鼓鑄羣工勩至治世運遽嬗  
又中天分司郡縣食微祿三代而前卽古牧君門萬里雖云遙得  
其人者民悅服槐庭月朗舊懸魚茅屋風恬新買犢爲問神君何  
術致十年經訓勤披讀如此賢良不易求 大廷考績拔其尤中  
有起家躋卿相又多備位列公侯况聞嵩嶽鎮東洛循吏輩出開  
驂騮卷舒天地中和氣宰之調劑寡與儔我來大梁星一紀長揖  
初見戴夫子夫子家世艷西江秀挹匡廬稱竒士太阿出匣氣逼人  
百家腕下供驅使淋漓筆落大如椽射策 金門卽筮仕筮仕

太康縣志

卷之八

藝文下

四十

中州始渑池一官之外琴鶴隨調羹先就烹鮮試製錦將爲補袞  
期大夫曰賢重於鼎 天子有詔賁如絲鳧飛一雙蒞陽夏昂首  
天衢仰羽儀維時道光元年春下車伊始卽問民爾曹疾苦各無  
隱我來斯土能拊循僉謂黃流不順軌鹿場魚釜歲頻頻使君惻  
然憂形色百里郊原十日巡爲請上官寬租稅農田水利宏匡濟  
殘燈秉牘忘夜沉打鼓升堂開春霽非無作奸犯科人生之爲仁  
殺爲義茸茸青草卧桁楊黍稌高廩無事事衣食足後禮義興夏  
絃春誦滿康陵天池一夕秋風起雲程指點搏鷗鵬更有餘事及  
志乘百年潛德到今稱國之大事先在祀朱薨碧瓦壯靈承凡此

百廢公具舉已薦于朝晉華膺忽聽 王師賦西征鉛刀難刺白  
額虎玉門關外馬蕭蕭積有升斗佐軍精由之名錄 御屏風二  
千石比侯萬戶頡利就擒奏凱還故事錄功覲 天顏鶴瘦香濃  
方畫永琴清花韻覺心閒旌旆拂天熊畫軾風謠載路雀啣環依  
稀赤子失慈母卧轍攀轅無不有孰知驥足淹廿年渤海潁川思  
尚友况本蓬萊頂上仙白鹿夾轂迎不久我自重來踐陳迹公恰  
辦裝詣雙闕天涯飄泊老侯嬴舊是信陵門下客秋澄渦水印台  
垣猶得撫今一追昔濡毫欲語語未工妬殺韓陵一片石

